

განმარტებითი ბარათი

საქართველოს ორგანულ კანონში „საქართველოს საარჩევნო კოდექსი“ დამატების შეტანის შესახებ

ა) ზოგადი ინფორმაცია კანონპროექტის შესახებ:

ა.ა) კანონპროექტის მიღების მიზეზი:

კანონპროექტის მიღების მიზეზია საარჩევნო კანონმდებლობის დახვეწამდე, კანონმდებლობით გათვალისწინებული შუალედური არჩევნების ჩატარების ვადის გადაწევა.

ა.ბ) კანონპროექტის მიზანი:

კანონპროექტის მიღების მიზანია უახლოესი შუალედური არჩევნების ჩატარება მაქსიმალურად გაუმჯობესებული საარჩევნო კანონმდებლობის პირობებში. აღნიშნული განპირობებულია იმ გარემოებით, რომ დღეისათვის საქართველოში საერთაშორისო ორგანიზაციების დახმარებით მუშაობს ჯგუფი საარჩევნო კოდექსის სრულყოფაზე. შესაბამისად, მიგვაჩნია, რომ ჯანსაღი კონკურენტუნარიანი საარჩევნო გარემოს პირობებში უმჯობესი იქნება წინამდებარე შუალედური არჩევნების ჩატარება.

ა.გ) კანონპროექტის ძირითადი არსი:

კანონპროექტის თანახმად საქართველოს ორგანულ კანონში „საქართველოს საარჩევნო კოდექსი“ შედის შემდეგი სახის დამატება:

1. კანონს გარდამავალ დებულებებში ემატება 129⁹ მუხლი, რომელიც ითვალისწინებს კოდექსის იმ ნორმების – 106-ე მუხლის მე-6 და მე-9 პუნქტების მოქმედების შეჩერებას, რომლებითაც დადგენილია შუალედური არჩევნების ჩატარების ვადა.

ბ) კანონპროექტის ფინანსური დასაბუთება:

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო.

კანონპროექტის მიღება არ გამოიწვევს სახელმწიფო ბიუჯეტიდან დამატებითი სახსრების გამოყოფას.

ბ.ბ) კანონპროექტის გავლენა ბიუჯეტის საშემოსავლო ნაწილზე

კანონპროექტის მიღება გავლენას არ მოახდენს ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე

კანონპროექტის მიღება არ გამოიწვევს ბიუჯეტიდან დამატებითი ასიგნებების გამოყოფას.

ბ.დ) სახელმწიფოს ახალი ფინანსური ვალდებულებები

კანონპროექტის მიღება არ წარმოშობს სახელმწიფოს ახალ ფინანსურ ვალდებულებებს.

ბ.ე) კანონპროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება

კანონპროექტი არ გააუარესებს იმ პირთა მდგომარეობაზე, რომელთა მიმართაც ვრცელდება კანონპროექტის მოქმედება.

ბ.ვ) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი)

კანონპროექტი არ ითვალისწინებს ასეთის დაწესებას.

გ) კანონპროექტის მიმართება საერთაშორისო სამართლების სტანდარტებთან

გ.ა) კანონპროექტის მიმართება ევროკავშირის დირექტივებთან:

კანონპროექტი შეესაბამება ევროკავშირის რეკომენდაციებში ასახულ მოთხოვნებს და არ ეწინააღმდეგება მის დირექტივებს.

გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან

კანონპროექტის მიღება არ ეწინააღმდეგება საქართველოს მიერ საერთაშორისო ორგანიზაციებში წევრობასთან დაკავშირებით აღიარებულ ვალდებულებებს.

გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან

კანონპროექტის მიღება არ არღვევს და არ ეწინააღმდეგება საქართველოს მიერ დადებულ ორმხრივ და მრავალმხრივი საერთაშორისო ხელშეკრულებებით ნაკისრ ვალდებულებებს.

დ) კანონპროექტის მომზადების პროცესში მიღებული კონსულტაციები:

დ.ა) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონპროექტის შემუშავებაში

ასეთი არ არსებობს.

დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ

ასეთი არ არსებობს.

დ.გ) კანონპროექტის ავტორი

საქართველოს პარლამენტის თავმჯდომარის მოადგილე – ლევან ვეფხვაძე.

დ.დ) კანონპროექტის ინიციატორი

საქართველოს პარლამენტის თავმჯდომარის მოადგილე – ლევან ვეფხვაძე.